

Powšitkowne WOZJEWJENJA

njedźelu, 24. nowembra 2013

Chrysta Krala w Chróścicach

Na swjedženju Chrysta Krala, młodžinskej wuznawanskej njedźeli, 24. nowembra, je w 14 hodź. w Chróścanskej cyrkwi nyšpor, kotryž wuhotuje němski młodžinski chór Effata z Kulowa. Nyšporej přizamknje so swačina kaž tež paslenje adwentneho kalendra na farje. Dekanatne dušepastyrstwo młodžiny wšitkich młodostnych wutrobnje přeprošuje.

Hromadźa hodowne dary

Towarstwo swjateje Filomeny z.t. chce tež lětsa dźěci a swójby w českim Jiřetínje, w bołharskim měsće Razgradže a wokolnych wsach z hodownymi pakćikami zwjeselić. Jich wobsah njeje předpisany. Wotedać hodža so pakćiki wot pónđzele do štwórtka, 25. do 28. nowembra, stajnje wot 17 do 18 hodź. w Smjerdžečanskim kulturnym domje. Dalša móžnosć podpěranja su pjenježne dary. Nadrobniše informacije poda předsyda Gerat Róbl, telefonowe čisło (03 57 96) 9 65 40.

Hłowna zhromadźizna Bratrowstwa a přednošk wo Krabaće

Wšitcy člonjo a zajimcy su wutrobnje přeprošeni na hłownu zhromadźiznu Bratrowstwa pjatk, 29. nowembra, w 19 hodź. w Bosčanowej žurli w Kulowje. Krótkim rozprawam přizamknje so přednošk dr. Susany Hozyneje k temje „Krabat – bajka, mytos a magija“.

Kreatiwna džěłarnička

Na paslenje adwentneje pychi přeprošuje dekanatne dušepastyrstwo sobotu, 30. nowembra, wot 13.00 do 17.00 hodź. młodostnych, mačerje a dalšich zajimcow do Don Boskoweho domu we Wor-klecach. Kóždy ma swój předžěłany material zapłaćić.

Duchowna hudźba w Budyšinje a Klóštrje

K spočatkej adwentneho časa zaklinči w Budyskej cyrkwi Našeje lubeje Knjenje sobotu, 30. nowembra, w 19.30 hodź. koncert z chórowymi twórbami Bjarnata Krawca a z přnim džěłom oratorija „Messias“ wot G. F. Händela. Duchownu hudźbu wuhotuja solisća Romy Petrick, Tanja Donatec, Simon Eper a Egbert Junghanns kaž tež Coro di Praga a chór a orchester Serbskeho ludoweho ansambla. Wuměłski nawod ma chórowy direktor Gabriele Doná. Samsny koncert móža wopytowarjo w cyrkwi klóštra Marijineje Hwězdy njedźelu, 1. decembra, w 14 hodź. dožiwić. Zastup so njezběra, prosy pak so wo dar w zběrce při durjach.

Hromadźa hodowne dary

Towarstwo swjateje Filomeny z.t. chce tež lětsa dźěci a swójby w českim Jiřetínje, w bołharskim měsće Razgradže a wokolnych wsach z hodownymi pakćikami zwjeselić. Jich wobsah njeje předpisany. Wotedać hodža so pakćiki wot pónđzele do štwórtka, 25. do 28. nowembra, stajnje wot 17 do 18 hodź. w Smjerdžečanskim kulturnym domje. Dalša móžnosć podpěranja su pjenježne dary. Nadrobniše informacije poda předsyda Gerat Róbl, telefonowe čisło (03 57 96) 9 65 40.

Adwentny nyšpor w Njebjelčicach

Hudźbny adwentny nyšpor wotměje so njedźelu, 1. decembra, w 14 hodź. w Njebjelčanskej cyrkwi. Program wuhotuja mjez druhim cyrkwiniski chór, šola kaž tež młodostni wosady. Wšitcy su wutrobnje přeprošeni.

Ekumeniski nyšpor w Drježdźanach

Wšitcy Serbja w Drježdźanach, jich přiwuzni a přećeljo su wutrobnje přeprošeni na ekumeniski nyšpor sobotu, 30. nowembra, ze superintendentom Janom Malinkom. Nyšpor budže w 15 hodź. w cyrkwi swjateho Józefa w Drježdźanach-Pješnje (Pieschen), Rehefeldska 61. Po nyšporje zetkamy so w Šoćic kofejowni k bjesadže. Tam budže tež Smolerjec kniharnja ze svojim knižnym poskitkom.

M. Bubnerjec

Beneficny koncert a spēwny wječor w Jaseńcy

Na serbski beneficny spēwny wječor sobotu, 7. decembra, w Jaseńcy přeprošuje Florian Rynč zhromadnje z muskim spēwnym kwartetom „Po štyrjoch“ a spēwarkomaj Weroniku a Hanku Smolic. Započatk w Rynčec bróžni w Jaseńcy (čísło 8) je w 19.30 hodź. Wopytowarjo smědža so na wotměnjawy program wjeselić, mjez druhim na nowe spēwy skupiny „Po štyrjoch“, zdžěla samo šěsćhlósne z podpěru dalšěju spēwarjow. Wunošk z wječora nałoža so za lětušu hodownu pomocnu akciju Towarstwa Cyrila a Metoda „Łužica pomha“. Po koncerće su wšitcy na zhromadne spēwanje přeprošeni.

Adwentne wiki w klóšterskim wobchodže

Druhi raz přewjedu so po lońšej premjerje we wobchodže klóštra Marijineje Hwězdy w Pančicach-Kukowje sobotu, 7. decembra, wot 12.30 do 18.00 hodź. małe adwentne wiki. Džěci móža w tym času, hdyž so dorosćeni rozhladuja, paslić.

Zetkanje samostejacych

Samostejacy ze serbskich wosadow su na zetkanje wutoru, 10. decembra, w 14 hodź. do Domu biskopa Bena w Smochćicach přeprošeni. Zajimcy njech so hač do štwórtka, 5. decembra, w redakciji Katolskeho Posoła přizjewja, telefonowe čísło (0 35 91) 55 02 12. Štóž chce wotewzaty być, njech to prošu zdžěli.